

# INUIT ATAQATIGIIT

## Inatsisartuni



UKA 2018/56  
22.10.18  
Múte Bourup Egede

**Naalackersuinikkut sulinermit aningaasatigut tapiissuteqartarnej pillugu Inatsisartut inatsisaat allanngorteqqullugu Naalackersuisut peqquneqarnissaanik Inatsisartut aalajangiiffigisassaattut siunnersuut, maannakkut periuseq imatut allanngortillugu, partiit Inatsisartuni sinniisuutitaqartut tunngaviumik 850.000 koruuninik tapiissummik pisalersillugit kiisalu kingullermik Inatsisartunut qinersinerup inenera tunngavigalugu taasinermit ataatsimut 200 koruuninik pisalersillugit. Attaviitsut taasinermit ataatsimut 200 koruuninik ukiumut tapiissutisalersinneqassapput agguaqatigiisitsineq 1/31 atorlugu kiisalu taasinerit tamarmiusut tunngavigalugit. Allanngueq atulersinneqassaaq ulloq 1. januaari 2019 aallarnerfigalugu.**

**(Inatsisartunut ilaasortaq Randi Vestergaard Evaldsen, Demokraatit)**

Demokrati, tassa oqartussaaqatigiinneq siuttunut angusaqapallakusuttunut pitsaanerpaajungilaq. Oqartussaaqatigiinnerli aqutseriaasiuvoq iluaagineqarsinnaasuni tamani pitsaanerpaaq, aamma akeqarpoq. Mianersuussassaavorli oqartussaaqatigiilluni aqutsinermi isumaqassalluni amerlanerussuteqartut aalajangiinerat tassaatisallugu oqartussaaqataanermik qulakkeerinnineq. Oqartussaaqatigiinneq tassaamat kikkut tamarmik inissaqartitaanerannik timitaliineq.

Oqartussaaqatigiilluni sinniisoqarnikkut naalackersuineq soorunami akeqarpoq. Pingaartumik nunatsinni siammassiumik nunaqariuseqarnerput immi unammilligassaqartitsisuuvoq. Nunatta inuisa qinikkatut kiffartuussisuminnit sumiiffiminni pissutsinik ilisimaarinnillutik alakkaamasaqarlutillu sullinneqarnissaat pinngitsoorneqarsinnaanngilaq.

Inuit Ataqatigiit kattuffittut inuiaqatigut tikillugit angalasarnitsinni innuttaasut piumasaannik tusarnaartuuvugut. Innuttaasorpassuit kissaatigaat qinikkatut kiffartuussisuminnit tikinneqarlutik, sumiiffiminni inuit inuuniarnermikkut atugaat takuneqassasut, paasineqassasut ilisimaneqalerner mikkullu aalajangiisartuniit suliasatut isigineqalissasut.

Innuttaasut tikinneqarlutik inuiaqatigiillu ingerlanneqarneranni peqataatilluarneqarlutik ingerlatisoqarnissaanik qinikkanut kissaateqarnerat tusaanngitsuusaagassaannngilaq. Isumatusaartumik aningaasanik atuinissamik noqqaagaluaruttaluunniit oqartussaaqatigiinnerup innuttaasullu peqataatilluarneqarnissaannut toqqammavissiiinissaq pisariaqavippoq. Taamak oqariarluta inuiaqatigiit nunattalu ingerlanneqarnerani assersuutigiinnaavillugu allaffissornerujussuarmut aningaasartortuarnerput aamma nalilersortariaqaripput Inuit Ataqatigiit oqaatiginngitsoorusunngilarput.

Taamak oqaaseqarluta siunnersuut taamak isikkoqartillugu tapersinngilarput. Pisariaqartutulli isigaarput inuiaqatigiinni oqartussaaqatigiinnerup Inatsisartoqarnerullu qanoq ittuusariaqarneranik oqallinnerup aallartinneqarnissaa.